



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU SAVEZA KOMUNISTA JUGOSLAVIJE

Broj: 03-07-6-859/20  
Sarajevo, 01.06.2021. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Saveza komunista Jugoslavije za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2019. godinu, utvrđeno je da je Savez komunista Jugoslavije prekršio odredbe člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Saveza komunista Jugoslavije za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Savez komunista Jugoslavije se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	144,00	100,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>144,00</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>144,00</b>	<b>100,00</b>

U godišnjem finansijskom izvještaju za 2019. godinu Savez komunista Jugoslavije nije iskazao rashode.

## 2. PREDSTAVLJANJE POLITIČKE STRANKE

Naziv političke stranke je Savez komunista Jugoslavije. Skraćeni naziv stranke je SKJ.

Savez komunista Jugoslavije registrovan je kod Općinskog suda u Mostaru, rješenjem broj: R/1-17 od 27.12.2017. godine.

Sjedište političke stranke je u Konjicu, Čelebići bb.

Lica ovlaštena za zastupanje stranke su: Adis Suljić, predsjednik stranke i Dževad Kadić, generalni sekretar stranke.

Lice ovlašteno za podnošenje finansijskih izvještaja za 2019. godinu je Dževad Kadić.

Prema podacima iz godišnjeg finansijskog izvještaja za 2019. godinu, Savez komunista Jugoslavije nema niže nivoe organizovanja stranke.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Saveza komunista Jugoslavije za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Saveza komunista Jugoslavije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled i kontrolu finansijskog izvještaja Saveza komunista Jugoslavije za 2018. godinu.

Nakon izvršenog pregleda godišnjeg finansijskog izvještaja za 2018. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci da vodi evidenciju o priložima, bez obzira na koji način ih ostvaruje, da finansijske izvještaje Centralnoj izbornoj komisiji Bosne i Hercegovine podnosi na način utvrđen Pravilnikom o godišnjim finansijskim izvještajima političkih stranaka i da na zahtjev Centralne izborne komisije Bosne i Hercegovine dostavlja i drugu dokumentaciju koja se zatraži od političke stranke.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala sve preporuke revizije.

#### **5. NALAZI I PREPORUKE**

##### **5.1. NALAZI**

##### **a) Savez komunista Jugoslavije prekršio je odredbe člana 5. stav (4)<sup>1</sup> Zakona o finansiranju političkih stranaka.**

Stranka u finansijskom izvještaju nije iskazala nenovčanu donaciju po osnovu besplatnog korištenja poslovnog prostora u vlasništvu fizičkog lica, čime je prekršila odredbe člana 5. stav (4) Zakona o finansiranju političkih stranaka.

Uvidom u Potvrdu<sup>2</sup> koju je dostavila stranka, utvrđeno je da je Savez komunista Jugoslavije koristio poslovni prostor u vlasništvu fizičkog lica bez naknade.

Politička stranka je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je imala obavezu da evidentira u poslovnim knjigama i iskaže u finansijskom izvještaju za 2019. godinu.

##### **b) Savez komunista Jugoslavije prekršio je odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Savez komunista Jugoslavije nije iskazao sve transakcione račune, nije tačno i pravilno evidentirao prihode i rashode, nije vodio poslovne knjige, nije pravilno

<sup>1</sup> Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga.

<sup>2</sup> Potvrda od 08.03.2018. godine, podnesena od Dževada Kadića, generalnog sekretara stranke.

popunio obrasce godišnjeg finansijskog izvještaja i nije dostavio svu traženu dodatnu dokumentaciju, čime je prekršio odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka (u daljnjem tekstu: Pravilnik).

(1) Savez komunista Jugoslavije u godišnjem finansijskom izvještaju za 2019. godinu nije iskazao sve transakcione račune i podatke o prometu putem jednog računa, čime je prekršio odredbe člana 11. Pravilnika.

- Stranka na obrascu 2 (pregled prometa svih transakcionih računa stranke) finansijskog izvještaja nije iskazala devizni račun broj: 1012741281 kod Privredne banke d.d Sarajevo, koji je prema podacima iz Izvještaja Centralne banke BiH<sup>3</sup> aktivan od 02.10.2018. godine.
- Stranka je u obrascu 2 pogrešno iskazala podatke o prometu ulaza i izlaza i stanja na dan 31.12.2019. godine, čime je prekršila odredbe člana 11. Pravilnika. Kontrolom izvoda sa transakcionog računa stranke broj: 1011500072135953 kod Privredne banke d.d Sarajevo, utvrđeno je da je početno stanje iznosilo 157,00 KM, promet ulaza 201,00 KM, promet izlaza 342,40 KM i stanje na dan 31.12.2019. godine u iznosu od 15,60 KM. Stranka je, međutim, na obrascu 2 iskazala početno stanje u iznosu od 157,00 KM, promet ulaza 0,00 KM, promet izlaza 0,00 KM i stanje na dan 31.12.2019. godine u iznosu od 157,00 KM.

(2) U finansijskom izvještaju stranka nije evidentirala nenovčanu donaciju, niti trošak zakupnine poslovnog prostora koji je koristila u 2019. godini, čime je prekršila odredbe čl. 13, 18, 21. i 22. Pravilnika.

(3) Uvidom u Izjavu stranke od 12.10.2020. godine, utvrđeno je da politička stranka tokom 2019. godine nije vodila poslovne knjige i nije podnijela Završni račun za 2019. godinu, čime je prekršila računovodstvene propise i odredbe člana 11. stav (1) Zakona o finansiranju političkih stranaka.

(4) Dana 15.09.2020. godine, Centralna izborna komisija Bosne i Hercegovine je stranci uputila Zahtjev za dostavljanje dodatne dokumentacije broj: 03-07-6-859-1/20, kojim je zatraženo da dostavi: bruto bilans na dan 31.12.2019. godine, glavnu knjigu sa kompletnom analitičkim evidencijama stranke za period 01.01.-31.12.2019. godine, kopiju Godišnjeg obračuna (Završni račun) za 2019. godinu ovjerenog od nadležnih institucija u Bosni i Hercegovini, dokumentaciju o korištenju poslovnih prostora u 2019. godini i kopiju izvoda sa transakcijskog računa broj: 1011500072135953 i deviznog računa broj: 1012741281 kod Privredne banke dd Sarajevo za period 01.01.-31.12.2019. godine.

S obzirom da Savez komunista Jugoslavije nije postupio u skladu sa zahtjevom Centralne izborne komisije Bosne i Hercegovine, odnosno nije dostavio kopiju izvoda sa deviznog računa broj: 1012741281 kod Privredne banke dd Sarajevo za period 01.01.-31.12.2019. godine, prekršio je odredbe člana 12. stav (5) Zakona o finansiranju političkih stranaka.

---

<sup>3</sup> Izvještaj o računu poslovnog subjekta Centralne banke BiH od 31.08.2020. godine.

## 5.2. PREPORUKE

*Preporučuje se Savezu komunista Jugoslavije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o priložima, bez obzira na koji način ih ostvaruje,*
- *da vodi tačne evidencije o svojim prihodima i rashodima, odnosno da poslovne knjige vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji BiH popunjava i dostavlja na način utvrđen Pravilnikom o godišnjim finansijskim izvještajima političkih stranaka i*
- *da dostavlja dodatnu finansijsku dokumentaciju.*

### **KOMENTAR:**

U ostavljenom roku, Savez komunista Jugoslavije nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić